

Na osnovu čl. 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 29. stav 2. Zakona o ustanovama ("Službeni list R BiH", br. 6/92, 8/93 i 13/94) i člana 91. Zakona o osnovnom odgoju i obrazovanju ("Službene novine Kantona Sarajevo", broj 10/04, 21/06, 26/08, 31/11 i 15/13), Vlada Kantona Sarajevo, na 81. sjednici održanoj 30.10.2014. godine, donijela je

ODLUKU

O DAVANJU SAGLASNOSTI ZA IMENOVANJE DIREKTORA JAVNE USTANOVE OSNOVNA ŠKOLA "NAFIJA SARAJLIĆ" SARAJEVO

1. Daje se saglasnost Školskom odboru Javne ustanove Osnovna škola "Nafija Sarajlić" Sarajevo da se Zijad Numić, profesor biologije, imenuje za direktora Škole.
2. Ova odluka će se objaviti u "Službenim novinama Kantona Sarajevo".

Broj 02-05-27435-14/14
30. oktobra 2014. godine
Sarajevo

Vršilac funkcije
Premijera
Muhamed Kozadra, s. r.

Na osnovu čl. 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Prečišćeni tekst i 37/14 - Ispravka), čl. 25. i 34. Zakona o ustanovama ("Službene novine Federacije BiH", broj 12/03), čl. 11. i 13. Odluke o preuzimanju prava osnivača JU Studentski centar Sarajevo u dijelu kojim obezbjeđuje životni standard studenata ("Službene novine Kantona Sarajevo", br. 24/00 i 21/06), Vlada Kantona Sarajevo, na 81. sjednici održanoj 30.10.2014. godine, donijela je

ODLUKU

O KRITERIJIMA ZA IZBOR I IMENOVANJE PREDSJEDNIKA I ČLANOVA UPRAVNOG I NADZORNOG ODBORA JU STUDENSKI CENTAR SARAJEVO, ČIJA IMENOVANJA VRŠI VLADA KANTONA SARAJEVO

Član 1.
(Predmet Odluke)

Ovom odlukom utvrđuju se kriteriji za izbor i imenovanje predsjednika i članova Upravnog i Nadzornog odbora JU Studentski centar Sarajevo, čija imenovanja vrši Vlada Kantona Sarajevo.

Član 2.
(Opći i posebni uslovi)

- (1) Za predsjednika i člana Upravnog i Nadzornog odbora JU Studentski centar Sarajevo može biti imenovan kandidat koji ispunjava opće i posebne uslove.
- (2) Opći uslovi iz stava (1) ovog člana su:
 - a) da je kandidat državljanin Bosne i Hercegovine;
 - b) da je kandidat stariji od 18 godina;
 - c) da kandidat nije otpuštan iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja upražnjene pozicije;
 - d) da kandidat nema poslovnu saradnju sa JU Studentski centar Sarajevo i/ili njegov bliski srodnik, a koja podrazumijeva novčanu naknadu, osim primanja po osnovu radnog odnosa kandidata;

- e) da se na tog kandidata ne odnosi član IX 1. Ustava Bosne i Hercegovine;
- f) da kandidat nije osuđivan za krivično djelo ili za privredni prestup;
- g) da kandidat nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine ("Službeni glasnik BiH", br. 16/02, 14/03, 12/04).

(3) Posebni uslovi iz stava (1) ovog člana su:

- a) da kandidat posjeduje univerzitetsku diplomu i najmanje 5 godina radnog staža u struci nakon sticanja univerzitetske diplome;
- b) da kandidat nema privatni finansijski interes u JU Studentski centar Sarajevo u smislu Zakona o sukobu interesa u institucijama vlasti Federacije Bosne i Hercegovine;
- c) da kandidat, u trenutku podnošenja aplikacije na upražnjenu poziciju, nije član više od jednog upravnog ili nadzornog odbora bilo kojeg pravnog lica (ustanove, privredna društva, agencije, udruženja, fondovi i sl.);
- d) da kandidat nije direktor JU Studentski centar Sarajevo;
- e) da je u JU Studentski centar Sarajevo zaposlen na neodređeno vrijeme - za kandidate koji apliciraju ispred zaposlenika JU Studentski centar Sarajevo;
- f) da kandidat ima zasnovan radni odnos na Univerzitetu u Sarajevu - za kandidate koji apliciraju kao predstavnici Univerziteta u Sarajevu.

Član 3.
(Upravni odbor)

- (1) Upravni odbor JU Studentski centar Sarajevo ima 5 članova, i to:
 - a) predsjednik - predstavnik Ministarstva za obrazovanje, nauku i mlade (u daljnjem tekstu: Ministarstvo);
 - b) član - predstavnik Ministarstva;
 - c) član - predstavnik Univerziteta u Sarajevu;
 - d) dva člana - predstavnici zaposlenika JU Studentski centar Sarajevo.
- (2) Predsjednika i članove Upravnog odbora JU Studentski centar Sarajevo imenuje i razrješava Vlada Kantona Sarajevo.

Član 4.
(Nadzorni odbor)

- (1) Nadzorni odbor JU Studentski centar Sarajevo ima tri člana, i to:
 - a) predsjednik - kojeg predloži Ministarstvo;
 - b) član - kojeg predloži Ministarstvo;
 - c) član - koji se imenuje iz reda stručnih zaposlenika JU Studentski centar Sarajevo.
- (2) Predsjednika i članove Nadzornog odbora imenuje i razrješava Vlada Kantona Sarajevo.

Član 5.
(Prava i obaveze predsjednika i članova Upravnog i Nadzornog odbora)

Prava i obaveze predsjednika i članova Upravnog i Nadzornog odbora JU Studentski centar Sarajevo definisane su Zakonom o ustanovama i drugim relevantnim zakonskim i podzakonskim propisima.

Član 6.

(Javni oglas i postupak izbora)

- (1) U skladu sa Zakonom o ministarskim, vladinim i drugim imenovanjima Federacije Bosne i Hercegovine i članom 2. ove odluke, ministar za obrazovanje, nauku i mlade Kantona Sarajevo (u daljnjem tekstu: ministar) objavljuje javni oglas za imenovanje predsjednika i članova Upravnog i Nadzornog odbora JU Studentski centar Sarajevo u "Službenim novinama Federacije BiH" i najmanje jednom dnevnom listu.
- (2) Komisiju za izbor predsjednika i članova Upravnog i Nadzornog odbora JU Studentski centar Sarajevo od pet članova imenuje Vlada Kantona Sarajevo na prijedlog ministra.

Član 7.

(Prava i obaveze članova Komisije)

- (1) Odlukom Vlade o imenovanju Komisije za provođenje konkursne procedure preciznije će se urediti ovlaštenja Komisije, kao i prava i obaveze članova Komisije te iznos naknade za rad članova Komisije.
- (2) Komisija iz stava (1) ove tačke je zadužena za pregledanje i utvrđivanje formalno-pravne urednosti pristiglih prijava na konkurs (blagovremenost i potpunost), za provođenje intervjua sa svim kandidatima koji budu ispunjavali formalne uslove objavljenog konkursa, za sačinjavanje rang-liste kandidata čije su prijave ocijenjene formalno-pravno urednim te za provođenje drugih radnji za koje bude zadužena odlukom Vlade o imenovanju.

Član 8.

(Konstituirajuća sjednica)

- (1) Kandidat koji je imenovan za predsjednika Upravnog odnosno Nadzornog odbora JU Studentski centar Sarajevo obavezan je sazvati konstituirajuću sjednicu Upravnog odnosno Nadzornog odbora JU Studentski centar Sarajevo najkasnije 30 dana od dana izvršenog imenovanja.
- (2) Upravni i Nadzorni odbor JU Studentski centar Sarajevo će donijeti Poslovnik o svom radu kojim se preciznije uređuju sva pitanja značajna za nesmetano i zakonito izvršavanje poslova i zadataka iz njihove nadležnosti.

Član 9.

(Trajanje mandata)

- (1) Mandat predsjednika i članova Upravnog i Nadzornog odbora JU Studentski centar Sarajevo traje 4 godine.
- (2) Kandidat za predsjednika ili člana Upravnog ili Nadzornog odbora JU Studentski centar Sarajevo ne može biti biran više od dva puta uzastopno.
- (3) Predsjednik i članovi Upravnog i Nadzornog odbora JU Studentski centar Sarajevo koji su prije stupanja na snagu ove odluke bili na dužnosti u svom drugom uzastopnom mandatnom periodu, ne mogu biti birani na funkciju predsjednika ili člana Upravnog ili Nadzornog odbora JU Studentski centar Sarajevo za treći uzastopni mandatni period.

Član 10.

(Naknada za rad)

Posebnom odlukom Vlade utvrdit će se iznos mjesečne naknade za obavljanje dužnosti predsjednika i člana Upravnog i Nadzornog odbora JU Studentski centar Sarajevo.

Član 11.

(Prijevremeno razrješenje)

- (1) U slučaju da se u toku trajanja mandata predsjednika i članova Upravnog i Nadzornog odbora JU Studentski centar Sarajevo pojave razlozi zbog kojih imenovani kandidat više ne ispunjava uslove kako je to propisano ovom odlukom, isti je obavezan podnijeti ostavku na dužnost predsjednika ili člana Upravnog ili Nadzornog odbora JU Studentski centar Sarajevo.
- (2) Kada nastupe okolnosti iz prethodnog člana, predsjednik ili član ostavku podnosi Ministarstvu, a ministar po službenoj dužnosti predlaže Vladi Kantona Sarajevo rješenje o razrješenju imenovanog.
- (3) Ukoliko nastupe okolnosti iz stava (1) ovog člana, a predsjednik ili član Upravnog ili Nadzornog odbora JU Studentski centar Sarajevo ne podnese ostavku, ministar će po službenoj dužnosti pokrenuti postupak njihovog razrješenja.

Član 12.

(Odgovornost za rad)

Upravni i Nadzorni odbor JU Studentski centar Sarajevo za svoj rad odgovara Vladi, a izvještaj o svom radu dostavlja Vladi putem Ministarstva.

Član 13.

(Stupanje na snagu)

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-27435-15/14
30. oktobra 2014. godine
Sarajevo

Vršilac funkcije
Premijera
Muhamed Kozadra, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14-Prečišćeni tekst i 37/14 - Ispravka), člana 157. stav (7) Zakona o visokom obrazovanju ("Službene novine Kantona Sarajevo", broj 4/13-Prečišćeni tekst), Vlada Kantona Sarajevo, na 81. sjednici održanoj 30.10.2014. godine, donijela je

ODLUKU**O PREDUZIMANJU AKTIVNOSTI U CILJU
PRECIZNIJEG DEFINIRANJA STATUSA, PRAVA I
OBAVEZA TE POLOŽAJA I FUNKCIJE JAVNE
USTANOVE STUDENSKI CENTAR U SARAJEVU****I**

Zadužuje se JU Studentski centar Sarajevo da u roku od 30 dana od dana stupanja na snagu ove Odluke, Vladi Kantona Sarajevo putem Ministarstva za obrazovanje, nauku i mlade Kantona Sarajevo dostavi na daljnje postupanje prijedlog ugovora iz člana 9. Odluke Skupštine Kantona Sarajevo o preuzimanju prava osnivača javne ustanove Studentski centar Sarajevo u dijelu kojim obezbjeđuje životni standard studenata ("Službene novine Kantona Sarajevo", broj 24/00 i 21/06).

II

Zadužuje se JU Studentski centar Sarajevo i Univerzitet u Sarajevu da u roku od 60 dana od dana stupanja na snagu ove odluke zaključe ugovor kojim će se preciznije urediti položaj i funkcije Studentskog centra Sarajevo u skladu sa članom 157. Zakona o visokom obrazovanju ("Službene novine Kantona Sarajevo", broj 42/13-Prečišćeni tekst) i članom 44. stav (6) Statuta Univerziteta u Sarajevu.